



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՌՈՂՋԱՊԱՀԱԿԱՆ ԵՎ
ԱՇԽԱՏԱՆՔԻ ՏԵՍՉԱԿԱՆ ՄԱՐՄԻՆ

ՂԵԿԱՎԱՐ

N

01/7805-2022

0047 ՀՀ Երևան, Նորք-Մարաշ, Ա. Արմենակյան փ. 129



(374-10) 65-05-53, 65-03-05

“ 05 ”

05

2022թ.

Էլ. փոստ info@hlib.am

ՈՐՈՇՈՒՄ 0567

ԹԻՎ 091121-883 ՎԱՐՉԱԿԱՆ ՎԱՐՈՒՅԹԸ ԿԱՐՃԵԼՈՒ ՄԱՍԻՆ

Ղեկավարվելով «Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին մասի «բ» կետով, 2021 թվականի նոյեմբերի 09-ին ՀՀ առողջապահական և աշխատանքի տեսչական մարմնում (այսուհետ՝ Տեսչական մարմին) Տեսչական մարմնի ղեկավարի 2021 թվականի օգոստոսի 03-ի թիվ 0312 կարգադրագրով (այսուհետ՝ Կարգադրագիր) տրված առաջադրանքների կատարված լինելը պարզելու նպատակով հարուցվել է թիվ 091121-883 վարչական վարույթը:

Ղեկավարվելով «Վարչարարության հիմունքների և վարչական վարույթի մասին» ՀՀ օրենքի 45-րդ հոդվածի 5-րդ մասով, հարուցված վարչական վարույթի շրջանակներում Տեսչական մարմնում Կարգադրագրի հիման վրա հարուցված թիվ 091121-883 վարչական վարույթի շրջանակներում «Միքայել Ղազարյան» անհատ ձեռնարկատիրոջը (ՀՎՀՀ՝ 55807456) պատկանող՝ քաղաք Երևան, Սիլիկյան թաղամաս, 9-րդ փողոց, թիվ 12 հասցեում գործող քարի արտադրամասում և Երևան, Աջափնյակ վարչական շրջան, Սիլիկյան հին խճուղի 60/1 հասցեի և Երևան «Գարդեն Հաուս» թաղամասի թիվ 4/92 հասցեի բնակարաններում 2021 թվականի նոյեմբերի 16-ին և 2021 թվականի նոյեմբերի 24-ին իրականացվել է զննում, իսկ վերոնշյալ բնակարաններում ՀՀ էկոնոմիկայի նախարարության «Ստանդարտացման և չափագիտության ազգային մարմին» ՓԲ ընկերության ռադիոէլեկտրական չափումների լաբորատորիայի փորձագետների կողմից 2021 թվականի նոյեմբերի 26-



ՀՀ ԱՌՈՂՋԱՊԱՀՈՒԹՅԱՆ ԵՎ ԱՇԽԱՏԱՆՔԻ
ՏԵՍՉԱԿԱՆ ՄԱՐՄԻՆ
HEALTH AND LABOR INSPECTION BODY
OF THE REPUBLIC OF ARMENIA

0047, 22, ք. Երևան, Նորք-Մարաշ, Ա. Արմենակյան 129

Հեռ. (374-10) 65-05-53 Էլ. փոստ՝ info@hlib.am

www.hlib.am

Թեժ գծ՝ 8107

ին ժամը 11³⁰-ից մինչև 13⁰⁰-ն ընկած ժամանակահատվածում իրականացվել են աղմուկի մակարդակի գործիքային չափումներ:

ՀՀ էկոնոմիկայի նախարարության «Ստանդարտացման և չափագիտության ազգային մարմին» ՓԲ ընկերության կողմից ներկայացված 2021 թվականի նոյեմբերի 30-ի N 8/126 փորձագիտական եզրակացությունից պարզ է դարձել, որ «Միքայել Ղազարյան» անհատ ձեռնարկատիրոջը պատկանող՝ քաղաք Երևան, Սիլիկյան թաղամաս, 9-րդ փողոց, թիվ 12 հասցեում գործող քարի արտադրամասում քար կտրող և հղկող հաստոցների աշխատանքի հետևանքով առաջացող և ք. Երևան, Աջափնյակ վարչական շրջան, Սիլիկյան հին խճուղի 60/1 հասցեի բնակարանի 2-րդ հարկի ննջասենյակում և Երևան «Գարդեն Հաուս» թաղամասի թիվ 4/92 բնակարանի 2-րդ հարկի 1-ին և 2-րդ ննջասենյակներում թափանցող աղմուկի համարժեք մակարդակը կազմել է 63դԲԱ (ֆոն 51դԲԱ), 49դԲԱ (ֆոն 44դԲԱ), 49դԲԱ (ֆոն 42դԲԱ), որոնք համապատասխանաբար 28, 14, 14 դԲԱ-ով գերազանցում են ՀՀ առողջապահության նախարարի 2002 թվականի մարտի 06-ի թիվ 138 հրամանով հաստատված «Աղմուկն աշխատատեղերում, բնակելի և հասարակական շենքերում և բնակելի կառուցապատման տարածքներում» N2-III-11.3 սանիտարական նորմերի 5.3-րդ կետով սահմանված աղյուսակ 3-ի 4-րդ կետի (այսուհետ՝ Սանիտարական նորմեր) պահանջները:

Թափանցող աղմուկի առավելագույն մակարդակը ք. Երևան, Աջափնյակ վարչական շրջան, Սիլիկյան հին խճուղի 60/1 հասցեի բնակարանի 2-րդ հարկի ննջասենյակում կազմել է 64դԲԱ (ֆոն 52դԲԱ), որը 14 դԲԱ-ով գերազանցում է Սանիտարական նորմերի պահանջները:

Արդյունքում, ք. Երևան, Աջափնյակ վարչական շրջան, Սիլիկյան հին խճուղի 60/1 հասցեի և ք. Երևան, «Գարդեն Հաուս» թաղամասի թիվ 4/92 բնակարաններ թափանցող աղմուկի մակարդակը Սանիտարական նորմերի պահանջներին համապատասխանեցնելու նպատակով «Միքայել Ղազարյան» անհատ ձեռնարկատիրոջը թիվ 0312 Կարգադրագրով տրված առաջադրանքները չեն կատարվել:

Ելնելով վերոգրյալից «Միքայել Ղազարյան» անհատ ձեռնարկատիրոջը տրվել է նախազգուշացում:

Ղեկավարվելով «Վարչարարության հիմունքների և վարչական վարույթի մասին» ՀՀ օրենքի 45-րդ հոդվածի 5-րդ մասով, հարուցված վարչական վարույթի շրջանակներում ք. Երևան, Աջափնյակ վարչական շրջան, Սիլիկյան հին խճուղի 60/1 հասցեի բնակարանում և ք. Երևան «Գարդեն Հաուս» թաղամասի թիվ 4/92 բնակարանում իրականացված աղմուկի մակարդակի գործիքային չափումների վերաբերյալ ՀՀ էկոնոմիկայի նախարարության «Ստանդարտացման և չափագիտության ազգային մարմին» ՓԲ ընկերության կողմից ներկայացված 2022 թվականի փետրվարի 22-ի N 8/025 փորձագիտական եզրակացությունից պարզ է դարձել, որ «Միքայել Ղազարյան» անհատ ձեռնարկատիրոջը պատկանող՝ քաղաք Երևան, Սիլիկյան թաղամաս, 9-րդ փողոց, թիվ 12 հասցեում գործող քարի արտադրամասում քար կտրող և հղկող հաստոցների աշխատանքի հետևանքով առաջացող և ք. Երևան, Աջափնյակ վարչական շրջան, Սիլիկյան հին խճուղի 60/1 հասցեի բնակարանի 2-րդ հարկի ննջասենյակում և Երևան «Գարդեն Հաուս» թաղամասի թիվ 4/92 բնակարանի 2-րդ հարկի 1-ին և 2-րդ ննջասենյակներում թափանցող աղմուկի համարժեք մակարդակը կազմել է 60դԲԱ (ֆոն 45դԲԱ), 53դԲԱ (ֆոն 43դԲԱ), 49դԲԱ (ֆոն 44դԲԱ), որոնք համապատասխանաբար 25, 18, 14 դԲԱ-ով գերազանցում են ՀՀ առողջապահության նախարարի 2002 թվականի մարտի 06-ի թիվ 138 հրամանով հաստատված «Աղմուկն աշխատատեղերում, բնակելի և հասարակական շենքերում և բնակելի կառուցապատման տարածքներում» N2-III-11.3 սանիտարական նորմերի 5.3-րդ կետով սահմանված աղյուսակ 3-ի 4-րդ կետի (այսուհետ՝ Սանիտարական նորմեր) պահանջները:

Թափանցող աղմուկի առավելագույն մակարդակը ք. Երևան, Աջափնյակ վարչական շրջան, Սիլիկյան հին խճուղի 60/1 հասցեի բնակարանի 2-րդ հարկի ննջասենյակում կազմել է 61դԲԱ (ֆոն 46դԲԱ), որը 11 դԲԱ-ով գերազանցում է Սանիտարական նորմերի պահանջները:

Թափանցող աղմուկի առավելագույն մակարդակը ք. Երևան, «Գարդեն Հաուս» թաղամասի թիվ 4/92 բնակարանի 2-րդ հարկի 1-ին ննջասենյակներում կազմել է



54դԲԱ (ֆոն 44դԲԱ), 50դԲԱ (ֆոն 43դԲԱ), որը 4 դԲԱ-ով գերազանցում է Սանիտարական նորմերի պահանջները:

Արդյունքում, ք. Երևան, Աջափնյակ վարչական շրջան, Սիլիկյան հին խճուղի 60/1 հասցեի և ք. Երևան, «Գարդեն Հաուս» թաղամասի թիվ 4/92 բնակարաններ թափանցող աղմուկի մակարդակը Սանիտարական նորմերի պահանջներին համապատասխանեցնելու նպատակով «Միքայել Ղազարյան» անհատ ձեռնարկատիրոջը թիվ 0312 Կարգադրագրով տրված առաջադրանքները չեն կատարվել:

Ելնելով վերոգրյալից կայացվել է որոշում «Միքայել Ղազարյան» անհատ ձեռնարկատիրոջ նկատմամբ, որպես վարչական հարկադրանքի միջոց, կիրառել տուգանք՝ 100.000 (հարյուր հազար) ՀՀ դրամի չափով:

Կարգադրագրով տրված առաջադրանքների կատարված լինելը պարզելու նպատակով հարուցված վարչական վարույթի շրջանակներում Տեսչական մարմնի ղեկավարի 2022 թվականի մարտի 30-ի թիվ 300-Ա հրամանի հիման վրա 2022 թվականի ապրիլի 06-ին ք. Երևան, Աջափնյակ վարչական շրջան, Սիլիկյան հին խճուղի 60/1 հասցեի և ք. Երևան «Գարդեն Հաուս» թաղամասի թիվ 4/92 հասցեի բնակարաններում և «Միքայել Ղազարյան» անհատ ձեռնարկատիրոջը պատկանող՝ քաղաք Երևան, Սիլիկյան թաղամաս, 9-րդ փողոց, թիվ 12 հասցեում գործող քարի արտադրամասում իրականացված զննման արդյունքում տրված հայտի հիման վրա ՀՀ էկոնոմիկայի նախարարության «Ստանդարտացման և չափագիտության ազգային մարմին» ՓԲ ընկերության կողմից 2022 թվականի ապրիլի 13-ին նախատեսված աղմուկի մակարդակի գործիքային չափումներ վերոնշյալ բնակարաններում չեն իրականացվել՝ ք. Երևան, Աջափնյակ վարչական շրջան, Սիլիկյան հին խճուղի 60/1 հասցեի բնակարանի դուռը փակ լինելու, իսկ ք. Երևան «Գարդեն Հաուս» թաղամասի թիվ 4/92 հասցեի բնակարանի բնակչի կողմից իր բնակարանում աղմուկի մակարդակի գործիքային չափումների իրականացում թույլ չտալու պատճառով, ինչը փաստվում է ՀՀ էկոնոմիկայի նախարարության «Ստանդարտացման և չափագիտության ազգային մարմին» ՓԲ ընկերության տնօրենի տեղակալի 2022 թվականի ապրիլի 14-ի ՍՉԱՄ-545 և քաղաքացուց ստացված Մ-3632 գրություններով:



Տրված նոր հայտի հիման վրա ՀՀ էկոնոմիկայի նախարարության «Ստանդարտացման և չափագիտության ազգային մարմին» ՓԲ ընկերության կողմից ք. Երևան, Աջափնյակ վարչական շրջան, Սիլիկյան հին խճուղի 60/1 հասցեի բնակարանում 2022 թվականի մայիսի 03-ին նախատեսված աղմուկի մակարդակի գործիքային չափումները չեն իրականացվել՝ նշված հասցեի բնակարանի բնակչի կողմից իր բնակարանում աղմուկի մակարդակի գործիքային չափումների իրականացում թույլ չտալու պատճառով, ինչը փաստվում է ՀՀ էկոնոմիկայի նախարարության «Ստանդարտացման և չափագիտության ազգային մարմին» ՓԲ ընկերության տնօրենի տեղակալի 2022 թվականի մայիսի 04-ի ՍՉԱՄ-673 գրությամբ:

Վերոգրյալից պարզ է դառնում, որ վարչական ակտի ընդունման անհրաժեշտությունը վերացել է:

Համաձայն «Վարչարարության հիմունքների և վարչական վարույթի մասին» ՀՀ օրենքի 50 հոդվածի 2-րդ մասի «բ» կետի՝ Վարչական մարմնի նախաձեռնությամբ հարուցված վարչական վարույթը կարող է կարճվել, եթե՝ օրենքի կամ իրավական այլ ակտի պահանջների խախտումների կամ դրանց կանխման հետ չկապված հարցով իրավիճակի փոփոխման կամ օրենքով նախատեսված այլ հիմքով վերացել է վարչական ակտի ընդունման անհրաժեշտությունը:

Ելնելով վերոգրյալից, հիմք ընդունելով «Վարչարարության հիմունքների և վարչական վարույթի մասին» ՀՀ օրենքի 50 հոդվածի 2-րդ մասի «բ» կետը, «Վարչարարության հիմունքների և վարչական վարույթի մասին» ՀՀ օրենքի 1-ից 7-րդ գլուխների պահանջները և ՀՀ վարչապետի 2018 թվականի հունիսի 11-ի N 755-Լ որոշման հավելվածով հաստատված Տեսչական մարմնի կանոնադրության 19-րդ կետի 13-րդ ենթակետը.

ՈՐՈՇՈՒՄ ԵՄ

1. ՀՀ առողջապահական և աշխատանքի տեսչական մարմնում 2021 թվականի նոյեմբերի 09-ին հարուցված թիվ 091121-883 վարչական վարույթը կարճել՝ վարչական ակտի ընդունման անհրաժեշտության վերացման հիմքով:



ՀՀ ԱՌՈՂՋԱԿԱՆ ԵՎ ԱՇԽԱՏԱՆԵՐԻ
ՏԵՏՇԱԿԱՆ ՄԱՐՄԻՆ
HEALTH AND LABOR INSPECTION BODY
OF THE REPUBLIC OF ARMENIA

0047, ՀՀ, ք. Երևան, Նորք-Մարաշ, Ա. Արմենակյան 129
Հեռ. (374-10) 65-05-53 Էլ. փոստ՝ info@hlib.am
www.hlib.am
Թեժ գիծ՝ 8107



2. Սույն որոշումը ծանուցել անհատ ձեռնարկատեր Միքայել Ղազարյանին՝ ք.
Երևան, Մազմանյան 10/26, էլ. փոստ՝ autopartsmas@gmail.com, քաղաքացի Մանվել
Մնացականյանին՝ ք. Երևան, Սիլիկյան հին խճուղի 60/1, էլ. փոստ՝
h.m.mnatsakanyan@gmail.com, և Գագիկ Խաչատրյանին՝ ք. Երևան, «ԳԱՐԴԵՆ ՀԱՌԻՍ»
թաղամասի թիվ 4/92 բնակարան, էլ. փոստ՝ gag_suz@yahoo.com հասցեներով:

Շնորհակալություն համագործակցության համար՝

 Recoverable Signature

X

ՀԱԿՈԲ ԱՎԱԳՅԱՆ

Signed by: AVAGYAN HAKOB 3912770166

ՀԱԿՈԲ ԱՎԱԳՅԱՆ

Սույն վարչական ակտն ուժի մեջ է մտնում վարչական վարույթի մասնակիցներին իրազեկելուն հաջորդող օրվանից:
Սույն վարչական ակտը ստանալու օրվանից 2 ամսվա ընթացքում կարող է բողոքարկվել Հայաստանի Հանրապետության
առողջապահական և աշխատանքի տեսչական մարմին:
Սույն վարչական ակտը ՀՀ վարչական դատավարության օրենսգրքի 72-րդ հոդվածով սահմանված ժամկետում կարող է
բողոքարկվել վարչական դատարան:



ՀՀ ԱՌՈՂՋԱԿԱՆ ԵՎ ԱՇԽԱՏԱՆԵՐԻ
ՏԵՍՉԱԿԱՆ ՄԱՐՄԻՆ
HEALTH AND LABOR INSPECTION BODY
OF THE REPUBLIC OF ARMENIA

0047, ՀՀ, ք. Երևան, Նորք-Մարաշ, Ա. Արմենակյան 129
Հեռ. (374-10) 65-05-53 Էլ. փոստ՝ info@hlib.am
www.hlib.am
Թեժ գիծ՝ 8107